



ՄՈՍԿՎԱՅԻ ԵՎ ՀԱՄԱՅՆ ՌՈՒՍԱՍՏԱՆԻ ՊԱՏՐԻԱՐԺ
ՆՈՐԻՆ ՍՐԲՈՒԹՅՈՒՆ Տ. ԱԼԵՔՍԻ ԵՆՈՐՀԱՎՈՐԱԿԱՆ
ԳԻՐԸ ՀԱՅՈՑ ՀԱՅՐԱՊԵՏԻ ԾՆՆԴՅԱՆ 60-ԱՄՅԱԿԻ ԱՌԹԻՎ

ՆՈՐԻՆ ՍՐԲՈՒԹՅՈՒՆ, ԾԱՅՐԱԳՈՒՅՆ ՊԱՏՐԻԱՐԺ ԵՎ
ԿԱԹՈՂԻԿՈՍ ԱՄԵՆԱՅՆ ՀԱՅՈՑ ՎԱԶԳԵՆ ԱՌԱՋԻՆԻ

Ձերդ Սրբություն, սիրեցյալ եղբայր ի Քրիստոս.

Սրտագինս ողջունում ենք Ձեզ, օրհնված և նշանակալից օրվա՝ Ձեր
ծննդյան 60-ամյակի առթիվ:

Եղբայրաբար շնորհավորելով Ձեզ, Մենք մտովի հիշում ենք Ձեր բազ-
մատեսակ գործունեությունը՝ հօգուտ սուրբ եկեղեցու:

Ահա քանի տարիներ է, որ Դուք Աստուծո ողորմությամբ առաջնորդում
էք Ձեզ վստահված Հայաստանյայց առաքելական սուրբ եկեղեցին՝ ավետա-
րանական ավանդների ոգով, և այդ ողջ ժամանակվա ընթացքում Ձեր գործու-
նեությունը ուղղում էք համաքրիստոնեական միասնություն ստեղծելու և երկ-
րի վրա խաղաղություն հաստատելու գործին:

Ձերդ Սրբության գահակալության շրջանին Մեր երկու սուրբ եկեղեցի-
ների բարի, եղբայրական ու վաղնջական հարաբերությունները ամրացան,
բազմապատկվեցին և, հույսով ենք, որ ապագայում ևս նրանք պետք է ըն-
դարձակվեն բարեկամության ոգով ու եղբայրական սիրով՝ հանուն Աստուծո
փառքի և մեր հավատացյալ ժողովուրդների երջանկության:

Վերհիշելով Մեր անձնական հանդիպումները և գրույցները Ձերդ Սրբ-
ության հետ, որոնք Մեզ համար ուրախության աղբյուր են, վկայություն և
հուսալիություն՝ ապագայում մեր եկեղեցիների միջև բարեկամության և հա-
մագործակցության:

Այսօր, Ձերդ Սրբության 60-ամյակի օրը, Մենք խորը սրտով առ Աստված ենք բարձրացնում Մեր ջերմագին աղոթքները, որպեսզի Ձեզ պարզևի քաջատոկչություն, ամրացնի Ձեր ուժերը, ողարկի երկնային օգնությունը և օրհնի Ձերդ Սրբության հառաջիկա գործունեությունը՝ ի փառս Աստուծո և սուրբ եկեղեցու:

Եղբայր ի Բրիստոս, ողջագուրանքներով ընդունեցեք մեր եղբայրական սերը:

Ա. Լ. Ե. Ջ. Ս. Ի.

Պատրիարք Մոսկվայի և համայն Ռուսաստանի

Հ. Գ.—Ցավում ենք, որ ս. Սերգեյի տոնակատարությունների պատճառով Մենք զրկված ենք անձնապես ներկա գտնվելու և շնորհավորելու Ձերդ Սրբությանը: Սակայն Մեր կողմից որոշված պատգամավորությունը, գլխավորությամբ Տալիհնի և Հատոնիայի գերաշնորհ միսրոպոլիտ Ալեքսիի, Մեզ պիտի փոխարինի Ձեր հանդիսություններին:

3 հոկտեմբերի 1969 թ.,

Ք. Մոսկվա

